

## **BASES QUE REXIRÁN A CONVOCATORIA PARA AXUDAS BÁSICAS DE EMERXENCIA, SUBVENCIONADAS POLA DEPUTACIÓN DE PONTEVEDRA.**

### **Primeira. Obxecto e natureza.**

O programa de AXUDAS BÁSICAS DE EMERXENCIA, pretende financiar **no ano 2015**, as demandas de urxente e puntual necesidade dos cidadáns do concello, que se atopen en situación ou risco de exclusión social, con especial atención a aquelas persoas con menores ao seu cargo que se atopen nesa situación.

Os servizos sociais comunitarios municipais do concello de Baiona, como Concello de menos de 20.000 habitantes da provincia de Pontevedra, solicitou á Deputación de Pontevedra unha axuda **8.000€** para levar a cabo o programa de AXUDAS BÁSICAS DE EMERXENCIA, sendo concedida a devandita axuda mediante acordo da Xunta de Goberno Local da Deputación de Pontevedra de data 10/04/2015.

### **Segunda. Destinatarios da convocatoria.**

Persoas cunha precariedade económica grave, contrastada polo departamento de Servizos Sociais, e familias usuarias de servizos sociais, pola súa problemática social contrastada.

### **Terceira. Contía das axudas**

Establécese unha contía máxima dispoñible para cada unidade de convivencia de 1.000€ importe que abrangue a suma de axudas parciais que puideran concederse.

Dentro do orzamento municipal estas axudas incluíranse na partida de emerxencia social municipal: **231-48000** do Orzamento Xeral de 2015, no que existe consignación suficiente segundo certificado de retención de crédito nº 4092 polo importe de 8.000 €

### **Cuarta. Requisitos das persoas beneficiarias das axudas básicas de emerxencia:**

- Persoas maiores de idade empadroadas no Concello de Baiona, con anterioridade á data desta convocatoria, que teñan xestionado a súa demanda a través dos servizos sociais comunitarios municipais do Concello de Baiona no último ano (período comprendido entre abril do 2014 e abril do 2015) e que carezan de ingresos suficientes para lles facer fronte aos gastos polos que se solicita a axuda.
- Que a suma dos valores catastrais dos inmobles da súa propiedade, de tódolos convivintes, excluyendo a vivenda habitual, non exceda de 50.000€.
- Para poder solicitar estas axudas é preciso que os solicitantes non teñan débedas co Concello de Baiona.
- Non terán deito á axuda aquelas persoas que no exercicio 2014 foran beneficiarias das axudas de emerxencia social, e non xustificaran debidamente a axuda percibida, de conformidade cas Bases reguladoras da convocatoria, e segundo a documentación que consta no departamento de servizos sociais.

Establécese un criterio económico que ten en conta os ingresos da familia en relación ao número de convivintes e as contías establecidas para a RISGA (que equivale ao 75% da contía do IPREM) e o salario mínimo interprofesional SMI. Tódolos requisitos económicos estarán baseados en datos referidos ao último ano (dende abril de 2014 a abril de 2015).

Daráselle prioridade a cubrir as necesidades alimentarias das familias con menores, que se atopen en situación de exclusión social ou en risco de estalo.

Terase en conta que as familias sexan ou foran receptoras de axudas sociais tipo RISGA, foran derivadas á ONG local para recibir alimentos, derivadas ao PGIS, ou ben estean incluídas no programa de educación familiar.

Para os efectos desta convocatoria computaranse como membros da unidade familiar, tódalas persoas que convivan no mesmo domicilio, sexa cal sexa a relación de parentesco.

Se valorarán ingresos e circunstancias familiares recollidas no Anexo II.

En calquera caso estas axudas son incompatibles con outras subvencións, axudas ou ingresos para a mesma finalidade percibidas por calquera outra axuda doutra Administración Pública ou privada.

### **Quinta. Tipoloxía de axudas.**

**Alimentación.**- Destinadas á compra de alimentos perecedoiros como complemento ás achegas entregadas pola ONG local “Ayuda al mundo necesitado”, como entidade de iniciativa social que realiza reparto de alimentos ao longo do ano ás persoas e familias derivadas dende o departamento de Servizos Sociais. Así como de alimentos para bebés ou persoas con dietas especiais debido a restricións alimenticias prescritas por un facultativo (celíacos, diabéticos, etc...). No relativo aos gastos de alimentación só admitirase o gasto en produtos de primeira necesidade; é dicir: cereais, lácteos, peixe, carne, legumes, verduras, froita. Non se admitirá o gasto en bebidas de ningún tipo, sexan ou non alcohólicas, chocolates, doces e bollería, así como produtos que non sexan considerados como básicos, agás as excepcións debidamente xustificadas.

O detalle dos produtos que serán obxecto da axuda virá sinalado nas instrucións que ao respecto se sinalen polo departamento de servizos sociais.

Uso da vivenda.- Destinadas a posibilitar que se continúe habitando a vivenda habitual:

- Axudas para o pagamento de débedas de alugueiro que impidan o desafuzamento.
- Axudas para o pago de hipoteca, de maneira excepcional, cando a contía dunha das cotas sexa inferior a 400 € e a débeda non sexa maior de dúas cotas.

Pago de recibos.- Destinadas a evitar a perda de subministracións básicas da vivenda e paliar situacións de empobrecemento enerxético: recibo de electricidade, gas, gasóleo ou auga. Non se admitirá o gasto do teléfono xa sexa fixo ou móbil.

Pago de produtos de hixiene e limpeza.- Destinados á compra de produtos básicos de uso común para a limpeza da vivenda (lixivia, líquido lavalouza,...) así como de produtos de aseo persoal (xabón, desodorizante, produtos de hixiene feminina, etc). Non se admitirá o gasto en colonias, perfumes.

O detalle dos produtos que serán obxecto da axuda virá sinalado nas instrucións que ao respecto se sinalen polo departamento de servizos sociais.

Pago de farmacia.- Destinadas ao pago de produtos farmacéuticos prescritos por un facultativo especialista e/ou polos médicos de atención primaria. A axuda solicitada referirase á achega que deba facer o usuario por non estar cuberta polo SERGAS.

Adquisición de electrodomésticos básicos.- Compra de electrodomésticos básicos (lavadora, queimador, cociña, frigorífico,...) que contribúan a favorecer a inclusión social das persoas máis desfavorecidas.

Pago de desprazamentos.- Destinadas ó pagamento de desprazamentos a recursos asistenciais ou sanitarios fóra do propio concello cando sexan debidos a tratamentos, xestións ou actividades que non poidan ser levadas a cabo dentro deste. Así mesmo, realizaranse pagos de desprazamentos dentro do propio concello cando estes sexan motivados polas xestións ou actividades relacionadas co programa de educación familiar, servizo de axuda no fogar, ou asistencia a recursos sociais, educativos ou sanitarios do propio concello.

Axudas de apoio á infancia.- No caso de menores de idade poderáselle facer fronte a gastos non incluídos nos puntos anteriormente mencionados nesta base quinta que posibiliten a continuidade do menor no seu medio familiar.

Estes gastos deberán incidir directamente na calidade de vida dos menores e ir acompañados do correspondente informe social que xustifique a súa necesidade.

#### **Sexta. Documentación, forma e prazo de solicitude.**

O formulario para solicitar a participación (ANEXO I) nesta convocatoria estará a disposición no departamento de servizos sociais do concello. No devandito ANEXO I deberase indicar a cantidade solicitada.

Este formulario, debidamente cuberto, deberá ser asinado por un membro responsable da unidade de convivencia.

Presentarase no departamento de servizos sociais do concello, en horario de 9:00 a 11:00 de luns a venres, xunto co orzamento dos gastos solicitados, facendo entrega a unha técnica de dito departamento xunto coa documentación que se precisará para valorar as circunstancias da unidade de convivencia recollidas no Anexo II, e que lle será requirida ao comprobar que non consta xa no expediente de servizos sociais. (documentación tipo: DNIs, acollemento familiar, xustificantes de ingresos da unidade de convivencia, número de conta, recibos de vivenda, situación de desemprego, discapacidade ou dependencia...)

O prazo de presentación de solicitudes será de **30 días naturais** contados a partir do seguinte á publicación das presentes bases na páxina web do Concello de Baiona: [www.baiona.org](http://www.baiona.org) unha vez sexan aprobadas por Decreto de Alcaldía.

Dende Servizos Sociais e de Intervención consultarase o Padrón municipal para comprobar a convivencia efectiva no Padrón dos membros da unidade familiar. Asemade realizaranse as xestións oportunas dende o Concello para comprobar os inmobles dos que son titulares.

#### **Sétima. Emenda de defectos.**

De existir algún defecto na solicitude ou documentación adxuntos, seralle notificado ao interesado/a para que nun prazo de 10 días emende o defecto ou achegue os documentos preceptivos, con indicación de que si non o fixera considerarase desistido na súa petición despois da correspondente resolución, de conformidade co disposto no artigo 71 da Lei 30/1992, de 26 de novembro, de Réxime xurídico das administracións públicas e do procedemento administrativo común.

#### **Oitava. Instrución e resolución.**

A instrución do procedemento de concesión das axudas correspóndelle as técnicas do departamento de servizos sociais do Concello, que realizarán de oficio as actuacións que estimen necesarias para a determinación, ou coñecemento e a comprobación dos expedientes. Así mesmo, deberán elaborar un informe e proposta de resolución explicando e motivando a aplicación dos criterios de valoración, ANEXO II, e dos criterios de concesión establecidos na base terceira, que se elevará á Alcaldía para a súa aprobación definitiva e que será notificada aos solicitantes.

Transcorridos tres meses a partir do día seguinte ao que remate o prazo de presentación da solicitude sen que os interesados obteñan unha resposta expresa, entenderase desestimada a petición.

#### **Novena. Pagamento e xustificación.**

Unha vez notificadas as axudas polo Concello procederase ao seu pago anticipado do 50% da axuda concedida aboándose directamente aos beneficiarios, ao número de conta sinalado na súa solicitude.

Unha vez recibidos os fondos, os beneficiarios, **nun prazo máximo de 7 días**, presentarán a documentación xustificativa: **facturas orixinais** ou documentos análogos con valor probatorio no ámbito mercantil e administrativo polo importe da axuda concedida, documentos nos que se poña de relevo que os gastos que figuran nesa factura se aplicaron á finalidade para a que foi concedida a axuda. Nas citadas facturas deberá figurar “pagado” e o selo do establecemento correspondente. Non se admitirá tickets de supermercado, deberá presentarse obrigatoriamente factura do establecemento polo importe da compra, acompañada do ticket no que figure detallado o importe da compra.

No caso de gastos de alimentación non se admitirán facturas de importe inferior a 25€.

No caso de gastos de subministro de enerxía ou gas, a factura deberá vir a nome do beneficiario da axuda, si se trata dun inmovible de aluguer e figura a nome do propietario do inmovible, deberá acompañarse do contrato de arrendamento. As devanditas facturas deberán vir acompañadas do xustificante de pagamento, xa sexa por transferencia bancaria, ingreso en conta ou xiro postal.

Unha vez xustificada esta axuda adecuadamente, procederase o ingreso do importe restante.

No caso de que a contía da factura presentada non se axuste ao sinalado nas presentes bases e nas instrucións do departamento de servizos sociais, ou sexa inferior ó importe da axuda concedida e recibida, procederase ao reintegro das cantidades indebidamente percibidas.

#### **Décima. Financiamento.**

A contía consignada para esta convocatoria ascende á contía concedida pola Deputación de Pontevedra con cargo ás axudas básicas de emerxencia publicadas no BOP do 15 de xaneiro do 2015.

#### **Undécima. Vixencia.**

Esta convocatoria terá vixencia ata o 31 de decembro de 2015.

#### **Duodécima. Réxime xurídico, responsabilidade e réxime sancionador das achegas económicas previstas nesta convocatoria.**

Estas axudas rexeranse polo establecido nestas bases, e no establecido nas bases publicadas no BOP nº 9 do BOP do 15 de xaneiro de 2015.



Servizos Sociais

**SOLICITUDE DE AXUDAS DE EMERXENCIA**  
**CONVOCATORIA DA DEPUTACIÓN DE PONTEVEDRA**  
(BOP 15 de xaneiro de 2015)

**ANEXO I**

**DATOS DA PERSOA SOLICITANTE**

-Nome e apelidos \_\_\_\_\_ DNI \_\_\_\_\_

Enderezo familiar \_\_\_\_\_ Teléfono \_\_\_\_\_

**DATOS DA UNIDADE DE CONVIVENCIA (PERSOAS MAIORES DE IDADE)**

-Nome e apelidos \_\_\_\_\_

Relación familiar \_\_\_\_\_ DNI \_\_\_\_\_ Data de nacemento \_\_\_\_\_

A contía dos ingresos totais anuais no último ano (abril 2014 - abril 2015) foron de \_\_\_\_\_ €  
e procederon de \_\_\_\_\_ Situación laboral actual \_\_\_\_\_

**DATOS DA UNIDADE DE CONVIVENCIA (PERSOAS MENORES DE IDADE)**

-Nome e apelidos \_\_\_\_\_ Data de nacemento \_\_\_\_\_

Colexio \_\_\_\_\_ Curso que realizará no período 2015-2016 \_\_\_\_\_

-Nome e apelidos \_\_\_\_\_ Data de nacemento \_\_\_\_\_

Colexio \_\_\_\_\_ Curso que realizará no período 2015-2016 \_\_\_\_\_

-Nome e apelidos \_\_\_\_\_ Data de nacemento \_\_\_\_\_

Colexio \_\_\_\_\_ Curso que realizará no período 2015-2016 \_\_\_\_\_

**OBSERVACIÓNS**

Outros ingresos da unidade de convivencia: \_\_\_\_\_

A vivenda é alugada: non \_\_\_\_\_ si \_\_\_\_\_. Custe mensual do aluguer, ou da hipoteca, no último mes: \_\_\_\_\_

Teñen valores catastrais: non \_\_\_\_\_ si \_\_\_\_\_. A suma total dos valores catastrais é de: \_\_\_\_\_

Existen persoas cualificadas cun grao de minusvalía: non \_\_\_\_\_ si \_\_\_\_\_. O grao é de: \_\_\_\_\_

O menor é orfo ou orfa absoluto: non \_\_\_\_\_ si \_\_\_\_\_. Está acollidos legalmente: non \_\_\_\_\_ si \_\_\_\_\_.  
A persoa principal da familia é desempregada: non \_\_\_\_\_ si \_\_\_\_\_. Nº de desempregados na familia \_\_\_\_\_

A persoa principal da familia é pensionista: non \_\_\_\_\_ si \_\_\_\_\_.  
A persoa principal da familia é viúvo/a \_\_\_\_\_, solteiro/a \_\_\_\_\_, separado/a \_\_\_\_\_, divorciado/a \_\_\_\_\_.

**SOLICITA AXUDA PARA OS SEGUINTE CONCEPTOS E CONTÍAS**

Alimentación \_\_\_\_\_ Contía: \_\_\_\_\_

Uso da vivenda: aluguer  hipoteca  Contía: \_\_\_\_\_

Pago de recibos: recibo de electricidade  auga  gas  ..... Contía: \_\_\_\_\_

Pago de produtos: hixiene persoal  limpeza da vivenda  Contía: \_\_\_\_\_

Pago de farmacia: \_\_\_\_\_ Contía: \_\_\_\_\_

Adquisición de electrodomésticos básicos: \_\_\_\_\_ Contía: \_\_\_\_\_

Pago de desprazamentos: \_\_\_\_\_ Contía: \_\_\_\_\_

Axudas de apoio á infancia: \_\_\_\_\_ Contía: \_\_\_\_\_

**Declaro baixo xuramento que son certos tódolos datos que constan nesta solicitude.**

**Autorizo, ás técnicas do departamento de servizos sociais do concello de Baiona, á utilización destes datos con motivo e coa finalidade desta solicitude, así como á comprobación dos datos que figuran no expediente do departamento por anteriores xestións persoais ou familiares, conforme os artigos 5 e 6 da Lei orgánica, 15/1999 de protección de datos de carácter persoal, así como, a requirirme a documentación que precise e a autorizar as visitas domiciliarias ou outras xestións se o consideraran preciso.**

Baiona, a \_\_\_\_\_ de \_\_\_\_\_ de 2015.

Servizos Sociais **CRITERIOS DE VALORACIÓN DE AXUDAS DE EMERXENCIA** **ANEXO II**  
CONVOCATORIA DA DEPUTACIÓN DE PONTEVEDRA  
(BOP 15 de xaneiro de 2015)

A puntuación máxima a acadar polos solicitantes non excederá de 20 puntos, de conformidade cos seguintes criterios:

1.- **Circunstancias persoais**, familiares e/ou sociais que se xustifiquen debidamente.

	Puntuación
por cada menor de idade convivinte	1
por cada menor de idade convivinte orfo ou orfa absoluto	1
por situación de acollemento legal por cada menor	1
por cada persoa cualificada legalmente como minusválida cun grao igual ou superior ó 33%	1
por cada persoa cualificada legalmente como minusválida cun grao igual ou superior ó 65%	2
por situación de desemprego por cada persoa principal (pai, nai, titor ou titora) dos menores convivintes	2
por situación de pensionista de pensión mínima por cada persoa principal dos convivintes	2
por cargas familiares non compartidas (persoa principal viúvo ou viúva, solteiro ou solteira (sen convivencia)	1

2.- **Ingresos económicos.**- Tódolos requisitos económicos estarán baseados en datos referidos ao ano comprendido entre abril de 2014 e abril de 2015. Establécese un baremo económico que ten en conta os ingresos da familia en relación ao número de convivintes e as contías establecidas para a RISGA (que equivale ao 75% da contía do IPREM) e o salario mínimo interprofesional SMI.

Nº de membros da unidade de convivencia	Total de ingresos mes		Puntuación
1	Dende 0€	Ata 399,38 €	1
	399,39 €	480,02 €	0,80
	480,03 €	560,66 €	0,40
	560,67 €	641,30 €	0,20
	Mais de 641,31 €		0
2	Dende 0€	Ata 479,26 €	1
	479,27 €	576,02 €	0,80
	576,03 €	672,79 €	0,40
	672,80 €	769,56 €	0,20
	Mais de 769,57 €		0
3	Dende 0 €	Ata 570,31 €	1
	570,32 €	685,47 €	0,80
	685,48 €	800,62 €	0,40
	800,63 €	915,78 €	0,20
	Mais de 915,79 €		0
4	Dende 0 €	Ata 672,97 €	1
	672,98 €	808,85 €	0,80
	808,86 €	944,73 €	0,40
	944,74 €	1.080,62 €	0,20
	Mais de 1.080,63		0
5	Dende 0 €	Ata 787,38 €	1
	787,39 €	946,36 €	0,80
	946,37 €	1.105,34 €	0,40
	1.105,35 €	1.264,32 €	0,20
	Mais de 1.264,33		0
6	Dende 0 €	Ata 913,36 €	1
	913,37 €	1.097,78 €	0,80
	1.097,79 €	1.282,19 €	0,40
	1.282,20 €	1.466,61 €	0,20
	Mais de 1.466,62		0
7	Dende 0 €	Ata 1.050,36 €	1
	1.050,37 €	1.262,44 €	0,80
	1.262,45 €	1.474,52 €	0,40
	1.474,53 €	1.686,60 €	0,20
	Mais de 1.686,61		0

3.- **Precariedade da vivenda**, sempre que estea debidamente xustificado o importe mensual, o custe tanto de aluguer de vivenda ou pago de hipoteca.



por ter un pago mensual de aluguer ou de hipoteca inferior a:		
	200€ mes	1 punto
	250€ mes	0,90 puntos
	300€ mes	0,80 puntos
	350€ mes	0,70 puntos
	400€ mes	0,60 puntos
	425€ mes	0,50 puntos
	450€ mes	0,40 puntos
	475€ mes	0,30 puntos
	500€ mes	0,20 puntos
	525€ mes	0,10 puntos

**4.-Por criterio profesional**, debidamente xustificado poderá concederse ata 10 puntos; como poden ser os seguintes:

- por cubrir necesidades alimentarias das familias con menores, que se atopen en situación de exclusión social ou en risco de estalo,
- situación de violencia de xénero ou violencia doméstica,
- procura activa de emprego,
- evolución da familia dentro dos proxectos de intervención (RISGA, PEF),
- por considerar urxente o solicitado,
- calquera outro criterio técnico debidamente xustificado.